

Namminersorlutik Oqartussat nalunaarutaat atortut innaallagiartortut eqqaanni innaallagiartortuunngitsunik sulinermik ingerlatsinermi isumannaallisaaneq pillugu normu 24, 12. december 2019-imeersoq

§ 6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atortut innaallagiartortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

Kapitali 1

Atuuffia aamma nassuiaatit

Atuuffia

§ 1. Nalunaarut manna atortut innaallagiartortut eqqaanni innaallagiartortuunngitsunik privatimik imaluunniit inuussutissarsiornermut atatillugu sulinermut atuuppoq.

Imm. 2. Nalunaarut atuutinngilaq;

- 1) suliaqarnermi, suliaq suliffeqarfimmit atortumut innaallagiartortumut ingerlatsinermit akisussaasuusumit suliarineqarpat imaluunniit tassannga aqunneqarpat,
- 2) suliaqarnermi, suliaq suliffeqarfimmit atortumut innaallagiartortumut ingerlatsinermit akisussaasuusumit isumaqatigiissuteqarneq naapertorlugu ingerlanneqarpat, tassa Innaallagissiornermut Oqartussat najoqqutaliaanni normu 3-imi atortunik innaallagiartortunik ingerlatsinermi isumannaallisaaneq pillugu kapitali 8 naapertorlugu suliarineqarpat,
- 3) inuit privatimik nalinginnaasumik naatsiivimmi suliaqarneranni aamma nunalerinermi imaluunniit
- 4) aqqusinikkut tamat ingerlaffigisartagaatigit assartuinermi aamma nalinginnaasumik ingerlanermi.

Nassuiaatit

§ 2. Nalunaarummi makku imatut paasineqassapput:

- 1) Kabelinik nunakkoortinneqartunik nalunaaqutsersuineq imaluunniit matoorinermit atortut: Atortut kabelit nunamiittut qaavinut inissinneqarsimasut tassuuna ilimasaarutiginiarlugu ataani kabeleqartoq, taamaaliornikkut siunertarineqarluni nunami assaanermi kabelit ajoquserneqannginnissaat.
- 2) Entreprenøri: Kinaluunniit illumik suliaqarnermik, aqqusinermi suliaqarnermik, nunalerinermik

suliaqarnermik, maskiinaqarfinnik imaluunniit assigisaannik, tassunga ilanngullugit assartuineq, suliaqartoq imaluunniit sulisuminik suliaqartitsisoq.

- 3) Atortut innaallagissamik sakkortuumik sarfallit: Atortut innaallagiartortut 1000 V ac. imaluunniit 1500 V dc. sinnerlugit sarfaqtut.
- 4) Makkua qanittuanni: Suliaqarnermi, tassani ungasissutsit nalunaarneqarsimasut qaangerneqarnissaannut ungasissuseq mianerisassaalluni.
- 5) Kabelit nunamiittut: Kabeli nunamut inissinneqarsimasoq taanna tassaalluni ingerlaviit tapinnaallisarneqarnatik imaluunniit aqut ataaseq imaluunniit arlallit qallerneqarsimangitsut, allamik qaavatigut qallerneqarsimasut.
- 6) Kabelinut sikaaviit: Sikaaviit imaluunniit assigisaat kabelinik nunameersunik nunap qaavani katiteriffissat.
- 7) Kabelinut karsi: Karsi kabelinut nunamiittunut nunami katiteriffissaq.
- 8) Atortut sakkukitsumik sarfallit: Atortut innaallagiartortut 1000 V ac. angullugu imaluunniit 1500 V dc. angullugu sarfallit.
- 9) Ledningit silaannakkoortut: Ledningit marlunnik imaluunniit arlalinnik aqutillit napparutikkut sianneqarsimasut.
- 10) Kabelit silaannakkoortut: Aqutit tapinnaallisakkat kabeli tassaallutik imusat napparutinut nivinngarneqarsimasut.
- 11) Ungasissuseq mianerisassaq: Ungasissuseq aalajangerneqarsimasoq taanna tassaalluni isumannaallisaanermi toqqissisimanartuutitaq, atortut innaallagiartortut eqqaanni imaluunniit taakkua ilaasa eqqaanni suliaqarnermi. Titartagaq 1-6 ilanngussami 1-imi takutinneqarpoq ungasissutsit mianerisassat qasertunngorlugit.
- 12) Qanoq pineqarneranik pilersaarut: Sumiiffiup suliffiusup aamma suliap qanoq annertutigineranik nassuiaassineq.

Kapitali 2

Entreprenørp pisussaaffii

§ 3. Entreprenøri imaliusaaq

- 1) ledningit pillugit paasissutissanik pissarsissaaq itersaliornissaaq, assaanissaaq, qillerinissaaq aamma nunamik naqittaalluni, suliaassat taakkua aallartitsinnagit,
- 2) annertunerusunik suliaqarnermi susoqarnissaanut pilersaarut suliaassap annertussusianut tunngasoq atortumik innaallagiartortumik piginnittumut, sulinerup aallartinneqannginnerani, nassutissavaa,
- 3) atortumik innaallagiartortumik piginnittup innersuussutai malissavai, kiisalu
- 4) atortumik innaallagiartortumik piginnittumut ajoqusiinerit, ajutumeernerit aamma ajutoornerit atortup innaallagiartortup eqqaanni sulinermik ingerlatsinermut attuumassuteqartut suulluunniit tamaasa nalunaarutigissavai.

§ 4. Entreprenørrip sulisuni atortut innaallagiartortut eqqaanni suliaqartussat ilitsersussavai aamma ilisimatissavai makku pillugit

- 1) atortup innaallagiartortup sumi inissisimaneranik,
- 2) najoqqutassami matumani aalajangersakkat,
- 3) atortumik innaallagiartortumik piginnittup innersuussutaanik, aamma
- 4) atortumik innaallagiartortumik piginnittup aqqa aamma attaveqarfigisassat pillugit paasisutissat.

Kapitali 3

Ledningit silaannakkoortut, kabelit silaannakkoortut aamma transformerstationit eqqaanni suliaqarneq

§ 5. Ledningit silaannakkoortut aamma kabelit silaannakkoortut eqqaanni suliaqarnermi ungasissuseq mianerisassaq sanimukaartoq, tak. imm. 2, aamma ungasissutsit mianerisassat ammukaartut, tak, imm. 3, qaangeqqusaanngillat, taamaattorli tak. imm. 4-5 aamma § 6.

Imm. 2. Ungasissuseq mianerisassaq sanimukaartoq tassaavoq nunamit 3 meterit , tak. ilanngussaq 1, titartakkat 1-4.

Imm. 3. Ungasissutsit mianerisassat ammukaartut tassaapput:

- 1) Ledninginut silaannakkoortunut sakkukitsumik sarfalinnut aamma kabelinut silaannakkoortunut sakkukitsumik sarfalinnut aqqummit avallermit tassaavoq 1,5 meterit, tak. ilanngussaq 1. titartakkat 1-2,
- 2) Ledninginut silaannakkoortunut sakkortuumik sarfalinnut 10-40 kV akornanniittunut aqqummit avallermit tassaavoq 6 meterit, tak. ilanngussaq 1, titartagaq 3, aamma
- 3) Ledninginut silaannakkoortunut sakkortuumik sarfalinnut 40 kV sinnerlugit aqqummit avallermit tassaavoq 15 meterit, tak. ilanngussaq 1, titartagaq 4.

Imm. 4. Maskiinanik nunalerinermut atortunik ingerlaneq imaluunniit atuneq imm. 1-imi ilaatinneqanngilaq, imaappat maskiinaq portussusia, inuit maskiinaamiittut ilanngullugit, matuminnga portunerunngippat

- 1) atortunit innaallagissamik sakkukitsumik sarfalinnit 4 meterit, aamma
- 2) atortunit innaallagissamik sakkortuumik sarfalinnit 4,5 meterit.

Imm. 5. Maskiina nunalerinermut atorneqartartoq aalasinnaasunik atortoqarpat, taakkua imm. 4-mi annerpaamik portussusissaq qaangersinnaallugu, taava qulakkeerneqassaaq maskiinaq atortuisa aalasinnaasut ingerlanerup nalaani imaluunniit maskiinaq nunalerinermut atorneqartartup atorneqarnerani, atortui aalasinnaasut aalajangerneqarsimanissaat taamaaliornikkut annerpaamik portussusissaq qaangerneqarsinnaajunnaarlugu.

§ 6. Suliaqarneq, § 5-imi ungasissutsit mianerineqartussat eqqortillugit, ingerlanneqarsinnaanngippat,

taava suliap ingerlanneqarnissaanut atatillugu atortumik inaallagiartortumik piginnittumut sukumiinerusumik ilitserorneqarnissaq pissarsiarineqassaaq.

§ 7. Ledningit silaannakkoortut sakkukitsumik sarfallit aamma kabelit silaannakkoortut sakkukitsumik sarfallit qulaallugit suliaqartoqarsinnaavoq, imaappat ledningi qulaallugu ungasissuseq mianerineqartussaq 1,5 meteriusoq eqqortinneqarluni, tak. ilanngussaq 1. titartagaq 2.

§ 8. Ledningit silaannakkoortut ataanni atortussianik assallugit qaqqinneqarsimasunik imaluunniit qaavini qaleruaaneqarsimasunik ungasissutsip mianerineqartussap sanimukaartup iluatungaani, taamaallaat inissiisoqarsinnaavoq atortumik innaallagiartortumik piginnittup isumaqatigiissuteqarfigineqarnerata kingornatigut.

§ 9. Napparutit imaluunniit transformerstationit eqqaanni ima qanitsigisumi assaasoqassanngilaq, tamatuma kingunerisaanik taakkua uppinnissaat imaluunniit sisoortoornissaat navianalersinnaalluni.

§ 10. Maskiinat imerterutit imaluunniit taakkua ilaat attorlugit ulorianalersinnaallutik, tassa ledningit silaannakkoortut sakkortuumik sarfallit serpartarneqartillugit, mianersornissamut erseqqissumik aamma qajannaatsunik allagartalerneqarsimassapput.

Imm. 2. Mianersornissamut allagartani ISO standard 7010: xxxx, qaqugukkulluunniit atuuttoq eqqortinneqassaaq.

Kapitali 4

Kabelit nunap iluaniittut eqqaanni suliaqarneq

§ 11. Kabelit nunakkoortut taakkununga ilanngullugit kabelinut sikaaviit aamma kabelinut karsit eqqaanni suliaqarnermi, sulineq imatut piareersarneqassaaq ajortitsisoqarnissaa pinngitsoorneqartussanngorlugu.

Imm. 2. Suliaqarnissaq aallartinneqartinnagu atortumik innaallagiartortumik piginnittumit innersuussutit pissarsiarineqassapput imatut pisoqartillugu:

- 1) Nunami suliaqarnermi ungasissutsip mianerineqartussap iluani kabeli nunakkoortumit 1 meteri, tak.. ilanngussaq 1, titartagaq 5.
- 2) Kabelinik nunamiittuni qulaarlugit assaanermi.
- 3) Kabelimi qulaarlugu assanneqarsimasumik maskiinat atorlugit ajoqusiinissaq aarlerinarpat.

Imm. 3. Nalinginnaasumik naatsiivilerinermi nunami suliaqarnermut atatillugu imm. 2 atuutinngilaq.

§ 12. Atortussianik kabelit innaallagissamik sakkortuumik sarfallit qaavinut inissinissaq taamaallaat pisinnaavoq atortunik innaallagiartortunik piginnittumik isumaqatigiissuteqarnerup kingornatigut.

§ 13. Nalunaaqtsersuinermit aamma matoorinermit atortut kabelinut nunamiittunut atorpeqartut atortumik innaallagiartortumik piginnittoq akuersiteqqaarnagu peerneqaqqusaanngillat.

Kapitali 5

Ajutoortoqartillugu qanoq iliornissamut maleruaqqusat

§ 14. Atortuq innaallagiartortuq sarfaqartutut isigineqassaaq imaanngippat atortumik innaallagiartortumik piginnittup, uppersarsarsimagaa atortuq sarfaarutsinneqarsimasoq.

Imm. 2. Atortuq innaallagiartortuq arlaannit attuutsitsivigineqarsimappat imaluunniit innaallassimappat, taava attuutsinneqarsimasoq sarfaqartutut isigineqassaaq.

§ 15. Sunaluunniit sarfamik ingerlaffigineqartoq, ledningit nakkarsimasut imaluunniit kabelit ajoquserneqarsimasut, taava ungasissutsimut mianerineqartussat ima isorartutigisut malinneqassapput:

- 1) Atortunut sakkortuumik sarfalinnut 10 meterit.
- 2) Atortunut sakkukitsumik sarfalinnut 2 meterit.

§ 16. Ajutoortoqartillugu imaluunniit ajunaartoqartillugu entreprenørrip imaluunniit taassuma sulisuisa piaarnerpaamik atortumik innaallagiartortumik piginnittoq ilisimatissavaat, makku pillugit:

- 1) Sumi, ajutoorneq imaluunniit ajunaarneq pisimansoq.
- 2) Ajutoorneq imaluunniit ajunaarneq pillugu nassuiaassut.

Imm. 2. Entreprenøri aamma taassuma sulisui atortumik innaallagiartortumik piginnittup, taassuma sinniisuutitaata imaluunniit politiit sumiiffimmut tikiunnissaasa tungaanut imaaliussapput:

- 1) sumiiffimmi sissuertuussapput aamma
- 2) isumagissavaat inuit navianartoq pillugu aamma ungasissuseq mianerineqartussaq pillugu mianersoqquneqarnissaat, tak. § 15.

Kapitali 6

Pineqaatissiissutit

§ 17. Unioqutitsineq makkuninnga §§ 3-10, § 11, imm. 2, §§ 12-13 aamma §§ 15-16, pillaaammik aki-liisinnermikum kinguneqarsinnaapput.

Imm. 2. Inuit inatsisitigut pisinnaatitaasut pisussaatitaasullu pillaammik akiligassamik akiliisussanngortinneqarsinnaapput Kalaallit Nunaanni pinerluttulerinermi Inatsit naapertorlugu.

Imm. 3. Pillaammik akiliisitsinerit nalunaarut naapertorlugu Nunatta Karsianut nakkartinneqassapput.

Kapitali 7

Atuutilersitsineq

§ 18. Nalunaarut atuutilissaaq ulloq, 1. januaari 2020

Innaallagissiornermut Oqartussat, ulloq 12. december 2019

Michael Petersen

/

Jane Lynge Hansen